

**FRAMKVÆMDAREGLUGERÐ FRAMKVÆMDASTJÓRNARINNAR
(ESB) 2020/111****2020/EES/69/46**

frá 13. janúar 2020

um breytingu á framkvæmdarreglugerð (ESB) 2015/1998 að því er varðar samþykki fyrir flugverndarbúnaði í almenningssflugi sem og fyrir þriðju lönd sem viðurkennt er að beiti flugverndarkröfum sem jafngilda sameiginlegum grunnkröfum um flugvernd í almenningssflugi (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 300/2008 frá 11. mars 2008 um sameiginlegar reglur um flugvernd í almenningssflugi og um niðurfellingu reglugerðar (EB) nr. 2320/2002 ⁽¹⁾, einkum 3. mgr. 4. gr.,*og að teknu tilliti til eftirfarandi:*

- 1) Með reglugerð framkvæmdastjórnarinnar (EB) nr. 272/2009 ⁽²⁾ er bætt við sameiginlegum grunnkröfum um flugvernd í almenningssflugi sem mælt er fyrir um í viðaukanum við reglugerð (EB) nr. 300/2008.
- 2) Í reglugerð (EB) nr. 272/2009 er framkvæmdastjórninni falið að viðurkenna jafngildi krafna um flugvernd í þriðju löndum í samræmi við þær viðmiðanir sem settar eru fram í E-hluta viðaukans við þá reglugerð.
- 3) Í viðaukanum við framkvæmdarreglugerð framkvæmdastjórnarinnar (ESB) 2015/1998 ⁽³⁾ eru tilgreind þau þriðju lönd sem viðurkennt er að beiti flugverndarkröfum sem jafngilda sameiginlegum grunnkröfum.
- 4) Framkvæmdastjórnin hefur sannreynt að Serbía, að því er varðar Nikola Tesla flugvöllinn í Belgrad, uppfylli viðmiðanirnar sem settar eru fram í E-hluta viðaukans við reglugerð (EB) nr. 272/2009.
- 5) Framkvæmdastjórnin hefur sannreynt að Ísrael, að því er varðar Ben Gurion alþjóðaflugvöllinn, uppfylli viðmiðanirnar, sem settar eru fram í E-hluta viðaukans við reglugerð (EB) nr. 272/2009, að því er varðar flugvernd loftfara og skimun farþega og handfarangurs.
- 6) Ítarlegar ráðstafanir til að framkvæma sameiginlegu grunnkröfurnar, sem um getur í reglugerð (EB) nr. 300/2008, fela í sér verklagsreglur um samþykki og notkun flugverndarbúnaðar í almenningssflugi.
- 7) Samræma ætti ráðstafanir, sem gerðar eru til að tryggja að flugverndarbúnaður í almenningssflugi uppfylli tilskildar kröfur um nothæfi, til að tryggja bestu mögulegu framkvæmd sameiginlegra grunnkrafna um flugvernd.

(*) Þessi ESB-gerð birtist í Stjttíð. ESB L 21, 27.1.2020, bls. 1. Hennar var getið í ákvörðun sameiginlegru EES-nefndarinnar nr. 138/2020 frá 25. september 2020 um breytingu á XIII. viðauka (Flutningastarfsemi) við EES-samninginn (bíður birtingar).

(1) Stjttíð. ESB L 97, 9.4.2008, bls. 72.

(2) Reglugerð framkvæmdastjórnarinnar (EB) nr. 272/2009 frá 2. apríl 2009 um viðbót við sameiginlegar grunnkröfur um flugvernd í almenningssflugi sem mælt er fyrir um í viðaukanum við reglugerð Evrópuþingsins og ráðsins (EB) nr. 300/2008 (Stjttíð ESB L 91, 3.4.2009, bls. 7).

(3) Framkvæmdarreglugerð framkvæmdastjórnarinnar (ESB) 2015/1998 frá 5. nóvember 2015 um ítarlegar ráðstafanir til að framfylgja sameiginlegum grunnkröfum um flugvernd (Stjttíð. ESB L 299, 14.11.2015, bls. 1).

- 8) Framkvæmdastjórnin viðurkennir að sameiginlegt matsferli Evrópusambands flugmálastjórna sé nauðsynleg forsenda fyrir samþykki flugverndarbúnaðar í almenningsflugi. Flugverndarbúnaður, sem hefur farið í gegnum þetta ferli, ætti þar af leiðandi að njóta góðs af samþykktarkerfi ESB, sem samanstendur af merkingu með sýnilegum stimpli og innfærslu hans í samsteyptan gagnagrunn Sambandsins, sem heimilar tafarlausa dreifingu flugverndarbúnaðar í almenningsflugi í öllu Sambandinu.
- 9) Þegar endanlegt samþykki búnaðar í almenningsflugi hefur verið veitt með því samþykkja réttargerð ætti að heimila uppsetningu og notkun slíks verndarbúnaðar til bráðabirgða þar til endanlegt samþykki liggur fyrir.
- 10) Því ætti að breyta framkvæmdarreglugerð (ESB) 2015/1998 til samræmis við það.
- 11) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót með 19. gr. reglugerðar (EB) nr. 300/2008.

SAMÞYKKT REGLUGERÐ ÞESSA:

1. gr.

Viðaukanum við framkvæmdarreglugerð (ESB) 2015/1998 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*. Ákvæði b-liðar 1. og 2. liðar viðaukans við þessa reglugerð skulu þó gilda frá og með 1. apríl 2020.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 13. janúar 2020.

Fyrir hönd framkvæmdastjórnarinnar,

Ursula VON DER LEYEN

forseti.

VIÐAUKI

Viðaukanum við framkvæmdarreglugerð (ESB) 2015/1998 er breytt sem hér segir:

- 1) Skránni í fylgiskjali 3-B í 3. kafla er breytt sem hér segir:
 - a) eftirfarandi færslu er bætt við á eftir færslunni um Montenegro (Svartfjallaland):
„Serbía, að því er varðar Nikola Tesla flugvöllinn í Belgrad“,
 - b) eftirfarandi færslu er bætt við á eftir færslunni um Singapúr:
„Ísrael, að því er varðar Ben Gurion flugvöll“.
- 2) Skránni í fylgiskjali 4-B í 4. kafla er breytt sem hér segir:
 - a) eftirfarandi færslu er bætt við á eftir færslunni um Montenegro (Svartfjallaland):
„Serbía, að því er varðar Nikola Tesla flugvöllinn í Belgrad“,
 - b) eftirfarandi færslu er bætt við á eftir færslunni um Singapúr:
„Ísrael, að því er varðar Ben Gurion alþjóðflugvöllinn“.
- 3) Í skránni í fylgiskjali 5-A í 5. kafla er eftirfarandi færslu bætt við á eftir færslunni um Montenegro (Svartfjallaland):
„Serbía, að því er varðar Nikola Tesla flugvöllinn í Belgrad“.
- 4) Í skránni í fylgiskjali 6-F í 6. kafla er eftirfarandi færslu bætt við á eftir færslunni um Montenegro (Svartfjallaland):
„Serbía“.

- 5) Í stað kafla 12.0 í 12. kafla kemur eftirfarandi:

„12.0. ALMENN ÁKVÆÐI OG SAMÞYKKI Á VERNDARBÚNAÐI

12.0.1. Almenn ákvæði

12.0.1.1. Yfirvald, rekstraraðili eða aðili, sem notar búnað til að framkvæma ráðstafanir, sem hann ber ábyrgð á í samræmi við landsbundnu flugverndaráætlunina í almenningsflugi, eins og um getur í 10. gr. reglugerðar (EB) nr. 300/2008, skal tryggja að búnaðurinn uppfylli kröfurnar sem settar eru fram í þessum kafla.

Hlutaðeigandi yfirvald skal veita framleiðendum aðgang að upplýsingunum í þessum kafla, sem eru flokkaðar í samræmi við ákvörðun (ESB, KBE) 2015/444 (*), á grundvelli meginreglunnar um þörf á vitneskju (e. *need-to-know basis*).

12.0.1.2. Venjubundnar prófanir skulu gerðar á hverjum einstökum hluta flugverndarbúnaðarins.

12.0.1.3. Framleiðendur búnaðar skulu leggja fram notkunarleiddbeiningar og skal búnaðurinn metinn og notaður í samræmi við þær.

12.0.1.4. Ef nokkrar tegundir verndarbúnaðar eru sameinaðar skal hver og ein þeirra hlíta skilgreindum forskriftum og uppfylla kröfurnar, sem eru settir fram í þessum kafla, bæði þegar þær eru notaðar stakar og samsettar sem kerfi.

12.0.1.5. Búnaður skal staðsettur, uppsettur og honum viðhaldið í samræmi við kröfur framleiðanda búnaðarins.

12.0.2. Samþykki fyrir verndarbúnaði

12.0.2.1. Með fyrirvara um lið 12.0.5 er einungis heimilt að setja upp eftirfarandi verndarbúnað eftir 1. október 2020 ef hann hefur fengið „ESB-stimpil“ eða „ESB-stimpil til bráðabirgða“, eins og kveðið er á um í liðunum 12.0.2.5 og 12.0.2.6:

- a) málmleitarhlið (WTMD),
- b) búnað til greiningar sprengiefnis (EDS),
- c) snefilgreiningartæki fyrir sprengiefni (ETD),
- d) búnað til greiningar sprengiefnis í fljótandi formi (LEDS),
- e) málmleitarartæki (MDE),
- f) líkamsskanna,
- g) búnað til skóskönnunar og
- h) greiningartæki fyrir sprengifimar gufur (EVD).

- 12.0.2.2. Framkvæmdastjórnin skal samþykkja verndarbúnaðinn, sem er skráður í lið 12.0.2.1, og veita honum „ESB-stimpil“.
- 12.0.2.3. Aðeins má veita leyfi til að setja „ESB-stimpil“ á verndarbúnað sem hefur verið prófaður á prófunarstöðvum þar sem hlutaðeigandi yfirvald ber ábyrgð á ráðstöfunum sem gerðar eru vegna gæðaeftirlits í samræmi við sameiginlegt matsferli Evrópusambands flugmálastjórna.
- 12.0.2.4. Framkvæmdastjórnin getur aðeins veitt leyfi til að setja „ESB-stimpil“ á verndarbúnað eftir að hún hefur fengið í hendur prófunarskýrslur um viðkomandi búnað eða annars stigs skýrslur frá sameiginlegu matsferli Evrópusambands flugmálastjórna.

Framkvæmdastjórnin getur farið fram á viðbótarupplýsingar að því er varðar prófunarskýrslur.

- 12.0.2.5. Framkvæmdastjórnin getur veitt leyfi til að setja „ESB-stimpil“ á verndarbúnað sem hefur hlotið staðfestingu fyrir tilstuðlan sameiginlegs matsferlis Evrópusambands flugmálastjórna. Slíkur búnaður skal sjálfkrafa eiga rétt á að fá „ESB-stimpil“ og skal hann fá stöðuna „ESB-stimpill til bráðabirgða“ þar til endanlegt samþykki liggur fyrir.

Leyfa skal uppsetningu og notkun verndarbúnaðar með stöðuna „ESB-stimpill til bráðabirgða“.

12.0.3. **“ESB-stimpill” og gagnagrunnur Sambandsins til verndar aðfangakeðjunnar — verndarbúnaður**

- 12.0.3.1. Færa skal verndarbúnað, sem er skráður í lið 12.0.2.1 og hefur fengið „ESB-stimpil“, í „gagnagrunn Sambandsins til verndar aðfangakeðjunnar — verndarbúnaður“.
- 12.0.3.2. Framleiðendur skulu setja „ESB-stimpilinn“ á verndarbúnað, sem framkvæmdastjórnin hefur samþykkt, og skal hann vera sýnilegur á einni hlið.
- 12.0.3.3. Búnaður með „ESB-stimpli“ skal settur upp með útgáfum vélbúnaðar og hugbúnaðar sem samsvara lýsingunni á honum í „gagnagrunni Sambandsins til verndar aðfangakeðjunnar — verndarbúnaður“.
- 12.0.3.4. Með fyrirvara um liðina 12.0.4 og 12.0.5 nýtur verndarbúnaður með „ESB-stimpli“ góðs af gagnkvæmri viðurkenningu og skal vera viðurkenndur með hliðsjón af tiltækileika, dreifingu og notkun í öllum aðildarríkjunum.
- 12.0.3.5. Framkvæmdastjórnin skal viðhalda „gagnagrunni Sambandsins til verndar aðfangakeðjunnar — verndarbúnaður“.
- 12.0.3.6. Færsla í „gagnagrunni Sambandsins til verndar aðfangakeðjunnar — verndarbúnaður“ skal innihalda eftirfarandi upplýsingar:
- a) einstakt alstafakennimerki,
 - b) heiti framleiðanda,
 - c) heiti tegundar,
 - d) nákvæma lýsingu á útfærslu sem felur a.m.k. í sér:
 - i. útgáfu vélbúnaðar,
 - ii. greiningaralgrím,
 - iii. útgáfu kerfishugbúnaðar, ef nauðsyn krefur,
 - iv. útgáfu aukavélbúnaðar, ef nauðsyn krefur, og
 - v. útgáfu notkunarleiðbeininga, ef nauðsyn krefur,
 - e) kröfuna sem hefur verið uppfyllt,
 - f) stöðu búnaðarins þar sem eitt af eftirfarandi kemur fram:
 - i. „ESB-stimpill“,
 - ii. „ESB-stimpill til bráðabirgða“,
 - iii. „ESB-stimpill sem hefur tímabundið verið felldur úr gildi“,
 - iv. „ESB-stimpill sem hefur verið afturkallaður“,
 - v. „ESB-stimpill sem er úreltur“,
 - g) útgáfudag stöðu búnaðarins.

12.0.4. „ESB-stimpill“ sem hefur verið tímabundið felldur úr gildi og afturkallaður

- 12.0.4.1. Framkvæmdastjórnin getur, að beiðni aðildarríkja eða að eigin frumkvæði, felld tímabundið úr gildi stöðuna „ESB-stimpill“ og „ESB-stimpill til bráðabirgða“ fyrir verndarbúnað, án þess að tilkynna það fyrir fram, þegar hún fær upplýsingar sem gefa til kynna að búnaðurinn uppfylli ekki kröfuna sem samþykki hans byggist á. Framkvæmdastjórnin skal uppfæra stöðuna í „gagnagrunni Sambandsins til verndar aðfangakeðjunni — verndar-búnaður“ til samræmis við það.
- 12.0.4.2. Ekki er heimilt að dreifa verndarbúnaði ef staðan „ESB-stimpill“ eða „ESB-stimpill til bráðabirgða“ hefur verið felld tímabundið úr gildi og hlutarnir, sem þegar hefur verið dreift, skulu starfræktir að viðbættum mótvægisáðgerðum, eins og við á.
- 12.0.4.3. Framkvæmdastjórnin getur, að beiðni aðildarríkja eða að eigin frumkvæði, afturkallað stöðuna „ESB-stimpill“ eða „ESB-stimpill til bráðabirgða“ fyrir verndarbúnað ef hún telur að verndarbúnaðurinn uppfylli ekki lengur kröfuna sem samþykki hans byggist á.
- 12.0.4.4. Ekki er heimilt að starfrækja verndarbúnað ef staðan „ESB-stimpill“ eða „ESB-stimpill til bráðabirgða“ hefur verið afturkölluð eða hún er orðin úrelt, frá og með útgáfudegi stöðunnar eins og hún er skráð í „gagnagrunn Sambandsins til verndar aðfangakeðjunni — verndarbúnaður“.
- 12.0.4.5. Framkvæmdastjórnin getur endurveitt stöðuna „ESB-stimpill“ eða „ESB-stimpill til bráðabirgða“ þegar hún fær upplýsingar um að búnaðurinn uppfylli á ný kröfuna sem samþykki hans byggist á.

12.0.5. Strangari ráðstafanir fyrir verndarbúnað og landsbundið samþykki

- 12.0.5.1. Aðildarríkjum er heimilt að víkja frá meginreglunni um gagnkvæma viðurkenningu með því að beita strangari ráðstöfunum fyrir verndarbúnað. Þau skulu tilkynna framkvæmdastjórninni um þessar ráðstafanir, samþykki sín á verndarbúnaði og ráðstafanir sem þau hafa gert til að tryggja að verndarbúnaðurinn, sem þau samþykkja, uppfylli kröfurnar sem settar eru fram í þessum kafla.
- 12.0.5.2. Aðildarríkjum er heimilt að víkja frá meginreglunni um gagnkvæma viðurkenningu með því að beita eigin tilhögun samþykkis fyrir verndarbúnað. Þau skulu tilkynna framkvæmdastjórninni um þessa tilhögun, samþykki sín á búnaði og frekari ráðstafanir sem gerðar eru til að tryggja að verndarbúnaðurinn uppfylli kröfurnar sem settar eru fram í þessum kafla.
- 12.0.5.3. Verndarbúnaður, sem er samþykktur á landsvisu á grundvelli liðar 12.0.5.1 eða 12.0.5.2, skal ekki hljóta „ESB-stimpill“.

(*) Ákvörðun framkvæmdastjórnarinnar (ESB, KBE) 2015/444 frá 13. mars 2015 um öryggisreglur til verndar trúnaðarflokkuðum upplýsingum ESB (Stjúið. ESB L 72, 17.3.2015, bls. 53).“

- 6) Í 12. kafla bætist við eftirfarandi fylgiskjal 12-N:

„FYLGISKJAL 12-N

Í framkvæmdarákvörðun framkvæmdastjórnarinnar C(2015) 8005 er mælt fyrir um ítarleg ákvæði um nothæfiskröfur fyrir skósprenghjuskanna (SED).“

- 7) Í 12. kafla bætist við eftirfarandi fylgiskjal 12-O:

„FYLGISKJAL 12-O

Í framkvæmdarákvörðun framkvæmdastjórnarinnar C(2015) 8005 er mælt fyrir um ítarleg ákvæði um nothæfiskröfur fyrir greiningartæki fyrir sprengifimar gufur.“